

REGLUR

um breytingu á reglum nr. 198/1983 um réttindi til að stjórna vinnuvélum, með síðari breytingum.

1. gr.

Á undan 1. mgr. 2. gr. kemur ný málsgrein, svohljóðandi:

Þeir einir mega stjórna vinnuvélum sem til þess hafa öðlast réttindi skv. 2. mgr.

2. gr.

Reglur þessar sem settar eru af stjórn Vinnueftirlits ríkisins samkvæmt heimild í 49. gr. laga nr. 46/1980 um aðbúnað, hollustuhætti og öryggi á vinnustöðum eru hér með staðfestar og öðlast þegar gildi.

Félagsmálaráðuneytinu, 6. nóvember 2000.

Páll Pétursson.

Elín Blöndal.

AUGLÝSING

um starfsreglur kirkjupings um kirkjuráð.

„STARFSREGLUR um kirkjuráð.

1. gr.

Kirkjuráð starfar á grundvelli laga nr. 78/1997 um stöðu, stjórn og starfshætti þjóðkirkjunnar.

2. gr.

Kirkjuráð er, auk biskups Íslands, sem er forseti ráðsins, skipað fjórum mönnum, tveimur guðfræðingum og tveimur leikmönnum, sem kirkjuping kys.

3. gr.

Kirkjuráð fer með framkvæmdavald í málefnum þjóðkirkjunnar eftir markaðri stefnu laga og samþykktu kirkjupings. Ráðið fer með framkvæmd þeirra sameiginlegu verkefna þjóðkirkjunnar sem lög og stjórnvaldsreglur ætla því og erinda sem vísað er til þess, m.a. af hálfu kirkjupings, prestastefnu, samtökum leikmanna, Alþingis og ráðherra.

Kirkjuráð hefur aðsetur á biskupsstofu.

Kirkjuráð ræður framkvæmdastjóra og setur honum erindisbréf sem skal kynnt á kirkjupingi. Framkvæmdastjóri framfylgir ákvörðunum ráðsins og hefur umsjón og eftirlit með störfum og verkefnum á vegum þess skv. nánari fyrirmælum ráðsins.

4. gr.

Kirkjuráð undirbýr kirkjuping í samráði við forseta kirkjupings.

5. gr.

Kirkjuráð skal gera grein fyrir helstu ákvörðunum sínum og starfsemi frá síðasta kirkjuþingi hverju sinni, sbr. starfsreglur um kirkjuþing. Með skýrslu kirkjuráðs skulu fylgja skýrslur kirkjulegra stofnana og stjórna sem heyra undir ráðið eða kirkjuþing óskar eftir. Einnig skal leggja fram heildaryfirlit yfir fjármál þjóðkirkjunnar og fjárhagsstöðu sjóða og verkefna. Skylt er að leggja fram í þingnefndum hverjar þær upplýsingar sem óskað er eftir á þingfundi eða í nefndum, nema lög mæli á annan veg.

Fjárhagsáætlun fyrir næsta almanaksár ásamt endurskoðuðum reikningum liðins árs skal leggja fram til umræðu og ályktunar.

6. gr.

Kirkjuráð framfylgir, í samráði við forseta kirkjuþings, stefnumörkun þingsins og samþykktum þess, svo og ákvæðum starfsreglna þess.

7. gr.

Kirkjuráð undirbýr af hálfu þjóðkirkjunnar tillögur til fjárveitinga til hennar á fjárlögum og hefur yfirumsjón með ráðstöfun og varðveislu fjár sem veitt er af opinberri hálfu til kirkjulegrar starfsemi.

8. gr.

Kirkjuráð fer með stjórn eftirtalinna sjóða kirkjunnar og ber ábyrgð fyrir kirkjuþingi á stjórn þeirra:

- a) Kristnisjóðs, sbr. lög um Kristnisjóð o.fl. nr. 35/1970
- b) Jöfnunarsjóðs sókna, sbr. lög um sóknargjöld o.fl. nr. 91/1987 og reglugerð um Jöfnunarsjóð sókna nr. 206/1991
- c) kirkjumálasjóðs, sbr. lög um kirkjumálasjóð nr. 38/1993
- d) sjóða þar sem svo er mælt fyrir í skipulagsskrá eða sambærilegum heimildum.

9. gr.

Úthlutun úr sjóðum kirkjunnar og starfsemi á þeirra vegum skal hagað til samræmis við lög og önnur fyrirmæli. Úthlutun úr Kristnisjóði og kirkjumálasjóði skal að jafnaði vera lokið fyrir upphaf næsta úthlutunarárs og úr Jöfnunarsjóði sókna samkvæmt því sem mælt er fyrir í lögum og reglum um sjóðinn á hverjum tíma. Ársreikningar sjóða vegna næstliðins árs skulu að jafnaði hafa verið lagðir fram og samþykktir í maímánuði. Hið sama gildir um endurskoðun fjárhagsáætlana ársins ef ástæða þykir til. Fjárhagsáætlanir sjóða og starfs- og rekstraráætlanir einstakra viðfangsefna fyrir næsta almanaksár skulu að jafnaði lagðar fram og samþykktar fyrir 1. október.

10. gr.

Kirkjuráð fer með málefni eftirtalinna kirkjustaða, stofnana og verkefna:

- a) Skálholts, sbr. lög um heimild handa ríkisstjórninni til þess að afhenda þjóðkirkju Íslands Skálholtsstað nr. 32/1963
- b) Skálholtsskóla, sbr. lög um Skálholtsskóla nr. 22/1993
- c) Löngumýrar, sbr. samþykkt kirkjuþings 1994
- d) Fjölskylduþjónustu kirkjunnar, Hjálparstarfs kirkjunnar, Leikmannaskóla þjóðkirkjunnar, Kirkjuhússins - verslunar, Skálholtsútgáfunnar og Tónskóla þjóðkirkjunnar, sbr. ákvæði gildandi starfsreglna og annarra heimilda hverju sinni.

11. gr.

Kirkjuráð skipar eftirtalдар nefndir og stjórnir:

- a) Skólanefnd Skálholtsskóla, sbr. lög um Skálholtsskóla nr. 22/1993
- b) Stjórn Kirkjugarðasjóðs, sbr. 40. gr. laga um kirkjugarða, greftrun og líkbrennslu nr. 37/1993
- c) Verkefnisstjórn Leikmannaskóla þjóðkirkjunnar, sbr. starfsreglur um fræðslu fyrir leikmenn innan kirkjunnar
- d) Stjórn Fjölskylduþjónustu kirkjunnar, sbr. starfsreglur um sérhæfða þjónustu kirkjunnar við fjölskylduna
- e) Skólanefnd Tónskóla þjóðkirkjunnar, sbr. starfsreglur um söngmál og tónlistarfræðslu kirkjunnar
- f) Löngumýrarnefnd, er stýrir starfi kirkjumiðstöðvarinnar á Löngumýri
- g) fagráð vegna kynferðisbrota og útnefnir talsmann þolenda, sbr. starfsreglur um meðferð kynferðisbrota innan íslensku þjóðkirkjunnar
- h) Bygginga- og listanefnd, sbr. starfsreglur um kirkjur og safnaðarheimili.

Kirkjuráð skal skipa í hverja nefnd þrjá aðalmenn og þrjá til vara, til fjögurra ára í senn frá og með 1. júlí árið eftir kirkjuþingskjör og jafnframt ákveða hver er formaður nefndar og varamaður hans, nema lög eða starfsreglur mæli á annan veg.

12. gr.

Kirkjuráð getur skipað nefndir til að fjalla um einstök mál, ef nauðsyn krefur svo og starfsnefndir sem eru ráðinu til ráðgjafar og aðstoða við stefnumótun og sinna tilteknum verkefnum samkvæmt erindisbréfi, enda sé gert ráð fyrir útgjöldum þess vegna í fjárhagsáætlun. Nefndirnar starfa í umboði og á ábyrgð kirkjuráðs. Enn fremur getur kirkjuráð með sama hætti skipt með sér verkum milli funda og annast um tiltekin verkefni.

13. gr.

Kirkjuráð tilnefnir tvo nefndarmenn í þóknananefnd kirkjunnar, sbr. starfsreglur um kirkjuþing.

14. gr.

Kirkjuráð er í samstarfsnefnd Alþingis og þjóðkirkjunnar, sbr. lög um samstarfsnefnd Alþingis og þjóðkirkjunnar nr. 12/1982.

15. gr.

Kirkjuráð hefur, auk annarra verkefna sem greinir í starfsreglum þessum, eftirtalin verkefni með höndum:

- a) veita umsögn um fyrirhugaðar nýbyggingar prestssetra að ósk stjórnar prestssetrasjóðs, sbr. starfsreglur um prestssetrasjóð
- b) fjalla um erindi frá sóknarnefndum vegna fyrirhugaðra fjárfrekra framkvæmda svo og vegna fjárhagsörðugleika, sbr. starfsreglur um sóknarnefndir
- c) taka afstöðu til áfrýjunar úrskurða úrskurðarnefndar og hafa yfirumsjón með því að úrskurðum úrskurðarnefndar og áfrýjunarnefndar sé framfylgt, sbr. starfsreglur um úrskurðarnefnd og áfrýjunarnefnd
- d) ábyrgjast, ásamt öðrum kirkjulegum stjórnvöldum, að farið sé að jafnréttislögum og að einstökum ákvæðum jafnréttisáætlunar kirkjunnar sé framfylgt
- e) gefa út lög og reglur á sviði kirkjumála og annast dreifingu og kynningu þeirra með viðhlítandi hætti
- f) svara fyrirspurnum kirkjuþings sem til þess er beint

g) veita úrlausn í málum sem skotið er til ráðsins með stjórnsýslukæru vegna ákvarðana eða aðgerða kirkjulegra aðila sem undir það heyra.
Leikmenn í kirkjuráði sitja leikmannastefnu, sbr. starfsreglur um leikmannastefnu.

16. gr.

Kirkjuráð heldur fund mánaðarlega að jafnaði. Heimilt er að fella niður einn fund á tímabilinu júní - ágúst ár hvert. Forseti ráðsins getur boðað til aukafundar ef brýna nauðsyn ber til. Einnig skal halda fund ef tveir eða fleiri kirkjuráðsmenn óska þess.

Fund skal boða með dagskrá, bréflega eða í tölvupósti, með viku fyrirvara að jafnaði. Jafnframt skulu erindi sem óskað er eftir að tekin séu fyrir í kirkjuráði hafa borist fyrir fundarboðun.

17. gr.

Kirkjuráð ræður sér fundarritara. Hann ritar fundargerð sem borin skal upp til samþykktar á fundinum eða send kirkjuráðsmönnum eigi síðar en viku eftir fundinn til samþykktar. Í fundargerð skal greina stutt og skilmerkilega frá framlagningu máls og niðurstöðu í því. Fundargerð skal send kirkjuþingsmönnum þegar eftir að hún liggur fyrir. Samþykkt fundargerð er opinber og öllum aðgengileg, nema lög mæli fyrir um annað.

18. gr.

Forseti kirkjuráðs stýrir fundi. Í forföllum biskups eða kærumáli sem biskup telst vanhæfur til ákvörðunar í skal sá vígslubiskup sem eldri er að biskupsvígslu stýra fundi, sbr. 15. gr. laga nr. 78/1997. Fresta skal afgreiðslu máls til næsta fundar ef tveir eða fleiri kirkjuráðsmenn óska þess en þeir geta ekki krafist frests öðru sinni.

19. gr.

Forseti kirkjuþings situr fundi kirkjuráðs þegar málefni er varða kirkjuþing, undirbúning þess eða framkvæmd samþykktar þess eru til umfjöllunar. Kirkjuráð getur óskað eftir því í samráði við forseta kirkjuþings að formenn fastra þingnefnda, einn eða fleiri, mæti á fundi ráðsins.

20. gr.

Vígslubiskupar sitja fundi kirkjuráðs þegar sérstök málefni vígslubiskupsstólanna eða embættanna eru rædd svo og þegar úthlutað er úr Kristnisjóði.

21. gr.

Starfsreglur þessar, sem settar eru skv. heimild í 59. gr. laga um stöðu stjórn og starfshætti þjóðkirkjunnar nr. 78/1997, öðlast gildi 1. janúar 2001.

Gjört í Reykjavík, 8. nóvember 2000.

Jón Helgason
forseti kirkjuþings.

Gunnar Sveinsson
þingskrifari.“

Starfsreglur þessar eru hér með kunngerðar almenningi.

Reykjavík, 8. nóvember 2000.

F. h. kirkjuráðs,

Karl Sigurbjörnsson biskup Íslands.